

Bosna i Hercegovina
Federacija Bosne i Hercegovine
KANTON SARAJEVO
Ministarstvo saobraćaja
Direkcija za puteve



Босна и Херцеговина
Федерација Босне и Херцеговине
КАНТОН САРАЈЕВО
Министарство саобраћаја
Дирекција за путеве

Bosnia and Herzegovina
Federation of Bosnia and Herzegovina

CANTON SARAJEVO
Ministry of traffic
Road Directorate

Broj: 04(01)-05-41335-82-1/19 AK
Sarajevo, 11.12.2019. godine

SKUPŠTINA KANTONA SARAJEVO
Reisa Džemaludina Čauševića 1, 71000 Sarajevo

PREDMET: Odgovor na zastupničku inicijativu

Na Petnaestoj radnoj sjednici Skupštine Kantona Sarajevo, održanoj dana 19.11.2019.g. u okviru tačke Dnevnog reda "Poslanička/zastupnička pitanja, inicijative i odgovori" zastupnik Sabahudin Delalić pokrenuo je zastupničku inicijativu: "...da Direkcija za puteve Kantona Sarajevo **HITNO** pristupi stabilizaciji trolejbuskog i autobusnog stajališta u ulici Želimira Vidovića – Kelija u opštini Novi Grad. Također, iniciram da Kantonalna uprava za inspeksijske poslove utvrdi odgovornost za ovaj propust i kazni počinioca.". Ovim putem Vas obavještavamo o sljedećem.

Članom 80. Zakona o cestama ("Službene novine Federacije BiH" br. 12/10, 16/10 i 66/13) je određeno da upravitelji cesta, u okviru vršenja javnih ovlasti, pokreću upravni postupak i donose rješenja kada izdaju odobrenja za izgradnju autobuskih stajališta iz člana 63. ovog zakona. Zatim, članom 16. Pravilnika o minimalnim tehničkim uvjetima za izgradnju i upotrebu autobuskih stajališta ("Službene novine Federacije BiH" br. 69/10), je određeno da zahtjev za izgradnju autobusnog stajališta podnosi općinski organ za prostorno uređenje uz saglasnost ministarstva unutrašnjih poslova na čijem se području želi graditi autobusko stajalište. Podnosilac zahtjeva je dužan uz zahtjev dostaviti projekat autobusnog stajališta i dati rješenje prilaza korisnika do stajališta. Dalje, u članu 14. navedenog pravilnika je navedeno da autobusko stajalište se može opremiti natkrivenim prostorom za putnike-čekaonicom, a da **podnosilac zahtjeva snosi troškove nabavke, postavljanja i održavanja nadstrešnica.**

Obilaskom lokacije utvrđeno je da se radi o nadstrešnici sa obilježjem privrednog društva EuroplakatBH d.o.o. Sarajevo, koje se postavlja i održava u skladu sa članom 12. i 13. Ugovora o pravu postavljanja novih nadstrešnica na trolejbuskim, autobuskim i minibuskim stajalištima na području Kantona Sarajevo br. 02/02-05-15/2000 od 06.01.2000. godine, koji je Vlada Kantona zaključila sa EutoplakatBH d.o.o. Sarajevo. Ugovorom je privredno društvo EuroplakatBH d.o.o.



web: <http://ms.ks.gov.ba>
e-mail: dp@dp.ks.gov.ba;
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1



Sarajevo obavezano da nadstrešnice koje su u njihovom vlasništvu drži uredne i u ispravnom stanju te da sva oštećenja ukloni u roku od 72 sata od nastanka oštećenja.

Međutim, Vlada Kantona Sarajevo je Zaključkom broj: 02-05-2840-16/17 od 09.02.2017. godine raskinula Ugovor o pravu postavljanja novih nadstrešnica na trolejbuskim, autobuskim i minibuskim stajalištima na području Kantona Sarajevo broj: 02/02-05-15/2000 od 06.01.2000. godine, koji je imala zaključen sa privrednim društvom EuroplakatBH d.o.o. Sarajevo, tako da mi kao institucija trenutno ne raspolažemo mehanizmom kojim omogućava nalaganje EuroplakatBH d.o.o. Sarajevo da izvrši popravku ili eventualno kompletno uklanjanje.

Obzirom da se ne radi o nadstrešnici u našem vlasništvu, kao i da nemamo nadležnosti za uklanjanja istih osim ako direktno ne ugrožavaju bezbjednost odvijanja saobraćaja na putu, isto izlazi iz okvira naše nadležnosti, te nemamo zakonski osnov ni mogućnost da udovoljimo Vašem zahtjevu.

S poštovanjem,



DIREKTOR
[Redacted]
Selmir Kovac, dipl.ing.saob.

Dostaviti:

- ☞ Naslovu
- Stručna služba Vlade Kantona Sarajevo
- Ministarstvo saobraćaja Kantona Sarajevo, R. Dž. Čauševića 1 (na znanje)
- Kantonalna uprava za inspeksijske poslove, Aleja Bosne Srebrene b.b.
- Evidencija
- a/a



web: <http://ms.ks.gov.ba>
e-mail: dp@dp.ks.gov.ba;
Tel: + 387 (0) 33 560-402, Fax: + 387 (0) 33 560-426
Sarajevo, Hamida Dizdara br. 1

